

«31» հունվարի 2024թ.

ք. Երևան

Հայաստանի Հանրապետության պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, ուսումնասիրելով «Արթին Աբիք» ՍՊ ընկերության (ՀՎՀՀ՝ 00113169, հասցեն՝ ՀՀ, ք. Երևան, Կոմիտասի պող. 30/19, տնօրեն Արթին Անդրանիկի Հարթունի) կողմից «Ներքին սպառման համար բացթողում» մաքսային ընթացակարգով թիվ 05100010/301123/0120872 ապրանքների հայտարարագրով հայտարարագրված ապրանքների մաքսային ձևակերպման փաստաթղթերը,

Պ Ա Ր Զ Ե Ց Ի

«Արթին Աբիք» ՍՊ ընկերության անվամբ թիվ 05100010/301123/0120872 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել են ապրանքներ, որոնց համար առաջադրված մաքսային վճարների վճարումը ընկերության կողմից սահմանված ժամկետում չի կատարվել:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության ՓՀ և ԳՀ բաժնի կողմից 11.01.2024 թվականին տրված տեղեկանքի համաձայն՝ «Արթին Աբիք» ՍՊ ընկերության կողմից մաքսային վճարների գծով բռնագանձման ենթակա գումարը կազմում է ընդհանուր 2,062,479 ՀՀ դրամ, որից ապառք՝ 2,029,200 ՀՀ դրամ, տույժ՝ 33,279 ՀՀ դրամ:

Նշված փաստի առթիվ ՀՀ ՊԵԿ Երևանի մաքսային սպասարկման կենտրոն-մաքսատուն, վարչությունում հարուցվել է վարչական վարույթ «Արթին Աբիք» ՍՊ ընկերության կողմից վճարման ենթակա մաքսային վճարների գանձման նպատակով, ինչի առթիվ 2024 թվականի հունվարի 31-ին ժամը 10:30-ին հրավիրվել են լսումներ, որի մասին պատշաճ կարգով ընկերության տնօրենը ծանուցվել է, սակայն չի ապահովել ընկերության ներկայացուցչի մասնակցությունը հրավիրված լսումներին, ինչպես նաև գրավոր որևէ բացատրություն կամ դիրքորոշում չի ներկայացրել:

ՀՀ Սահմանադրության 60-րդ հոդվածի 8-րդ մասը սահմանում է, որ յուրաքանչյուր ոք պարտավոր է մուծել օրենքին համապատասխան սահմանված հարկեր, տուրքեր, կատարել պետական կամ համայնքային բյուջե մուտքագրվող պարտադիր այլ վճարումներ:

ՀՀ հարկային օրենսգրքի 401-րդ հոդվածի 1-ին մասի համաձայն՝ հարկի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար հարկ վճարողը կամ հարկային գործակալը վճարում է տույժ՝ 0.04 տոկոսի չափով:

Նույն հոդվածի 2-րդ մասի համաձայն՝ նույն հոդվածի 1-ին մասով սահմանված տույժը կիրառվում է ժամանակին չմուծված հարկի գումարի (այդ թվում՝ հարկային հարաբերությունները կարգավորող իրավական ակտերով սահմանված դեպքերում՝ հարկային գործակալի կողմից չվճարված), հարկերի կանխավճարային գումարների, հարկային հսկողության արդյունքներով հայտնաբերված (պակաս ցույց տրված)

հարկի գումարի նկատմամբ՝ դրանց վճարման ժամկետից անցած ամբողջ ժամանակաշրջանի համար, բայց ոչ ավելի, քան 730 օրվա համար:

«Մաքսային կարգավորման մասին» ՀՀ օրենքի 114-րդ հոդվածի 1-ին մասի համաձայն՝ մաքսատուրքի, հարկերի՝ դրանց գծով տույժերի, տուկոսների վճարման պարտավորությունը սույն օրենքով սահմանված կարգով և ժամկետում չկատարելու դեպքում դրանց բռնագանձումը մաքսային մարմինների կողմից իրականացվում է օրենքով սահմանված կարգով՝ մաքսատուրք, հարկեր վճարողի միջոցների կամ այն ապրանքների արժեքի հաշվին, որոնց համար մաքսատուրքերը, հարկերը չեն վճարվել:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության ՓՀ և ԳՀ բաժնի կողմից 11.01.2024 թվականին տրված տեղեկանքի համաձայն՝ «Արթին Աբլիք» ՍՊ ընկերության կողմից մաքսային վճարների ծով բռնագանձման ենթակա գումարը կազմում է ընդհանուր 2,062,479 ՀՀ դրամ, որից ապառք՝ 2,029,200 ՀՀ դրամ, տույժ՝ 33,279 ՀՀ դրամ:

Հիմքում ունենալով վերոգրյալ իրավակարգավորումների ամբողջությունը, հիմք ընդունելով թիվ 05100010/301123/0120872 ապրանքների հայտարարագիրը և ՀՀ ՊԵԿ Երևանի մաքսային սպասարկման կենտրոն-մաքսատուն, վարչության ՓՀ և ԳՀ բաժնի կողմից տրված տեղեկանքը՝ գտնում եմ, որ «Արթին Աբլիք» ՍՊ ընկերության կողմից չվճարված մաքսային վճարների գումարը սահմանված ժամկետում չվճարելու հիմքով ենթակա է գանձման:

Ելնելով վերոգրյալից և ղեկավարվելով ՀՀ Սահմանադրությամբ, ՀՀ հարկային օրենսգրքով, «Մաքսային կարգավորման մասին» ՀՀ օրենքով և «Վարչարարության հիմունքների և վարչական վարույթի մասին» ՀՀ օրենքի 7-րդ գլխի դրույթներով՝


Ո Ր Ո Շ Ե Ց Ի

1. «Արթին Աբլիք» ՍՊ ընկերությունից հոգուտ պետական բյուջեի բռնագանձել **2,062,479 (երկու միլիոն վաթսուներկու հազար չորս հարյուր յոթանասունինը) ՀՀ դրամ** ԱԱՀ-ի գումար, որից ԱԱՀ-ի ապառք՝ 2,029,200 ՀՀ դրամ, տույժ՝ 33,279 ՀՀ դրամ:
2. Որոշման մասին օրենքով սահմանված կարգով իրազեկել «Արթին Աբլիք» ՍՊ ընկերությանը:
3. Որոշմամբ նշանակված գումարի վճարման հաշվեհամարն է **900005010120-ը (ՀՀ պետական բյուջե, կենտրոնական գանձապետարան, Երևանի մաքսային սպասարկման կենտրոն-մաքսատուն, վարչություն, ԿՈԴ 27):**

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ
ԵՆՏՐՈՆ-ՄԱՔՍԱՏՈՒՆ, ՎԱՐՉՈՒԹՅԱՆ
ՊԵՏԻ ՏԵՂԱԿԱԼ



ԱՂԱՍԻ ԱՂԱՅԱՆ